

**Predlog platforme za učešće delegacije Ministarstva zdravlja koju predvodi ministar zdravlja dr Vojislav Šimun, na Jedanaestom sastanku visokog nivoa Inicijative malih zemalja Svjetske zdravstvene organizacije: "Fokus na inovacijama"**

**11-13. maj 2025, Bled, Republika Slovenija**

### **Opšte informacije**

Inicijativa za saradnju između malih zemalja (broj stanovnika do dva miliona) pokrenuta je zvanično 2013. godine sa ciljem lakše implementacije Evropske politike za zdravlje i blagostanje: Zdravlje 2020, a u skladu sa okvirom za saradnju između Svjetske zdravstvene organizacije (SZO), Regionalne kancelarije za Evropu i države San Marino, Osnovnom usmjerenju navedene politike tj. poboljšanju zdravlja i blagostanja kroz smanjenje nejednakosti u zdravlju, pridružila se i Crna Gora, kao kolaborativni partner. Istaknuta su očekivanja da će program saradnje unaprijediti nacionalni razvoj javnog zdravlja, shodno ciljevima politike Zdravlje 2020 i ujedno omogućiti razmjenu pozitivnih iskustava sa drugim malim zemljama, ali i druge vidove saradnje shodno nacionalnim prioritetima koje sporazum o saradnji nudi.

Sporazumom o saradnji između malih zemalja obuhvaćeno je osam zemalja: Andora, Kipar, Island, Luksemburg, Malta, Monako, Crna Gora i San Marino, a kasnije su se pridružile i zemlje do dva miliona stanovnika: Estonija, Slovenija i Litvanija

Prvi ministarski sastanak Malih zemalja na temu "Implementacija vizije Zdravlje 2020 u zemljama sa malim brojem stanovnika" održan je u julu 2014.g., nakon čega se održava na godišnjem nivou u jednoj od zemalja članica Inicijative .

U nastavku saradnje, Inicijativa malih zemalja donijela je Mapu puta kojom se trasiraju koraci za ostvarenje boljeg zdravlja za period 2022-2025, u malim zemljama u evropskom regionu Svjetske zdravstvene organizacije, i koja je odobrena na Osmom sastanku visokog nivoa malih zemalja čiji je domaćin bila Crna Gora (*Bečići, Crna Gora, 3. jun 2022*).

Predstojeći Jedanaesti sastanak na visokom nivou predstavlja drugu fazu implementacije Mape puta sa fokusom na to kako najbolje ubrzati program zdravlja i dobiti i iskoristiti saradnju među malim zemljama,

Najavljen je intenzivan politički i tehnički dnevni red koji ovaj događaj pozicionira kao jedinstvenu platformu za održavanje diskusije o zajedničkim temama.

### **Značaj učešće delegacije Ministarstva zdravlja na Jedanaestom sastanku visokog nivoa Inicijative malih zemalja Svjetske zdravstvene organizacije**

Jedanaesti sastanak na visokom nivou je posebna prilika, koja obilježava treću godinu primjene Mape puta, a održava se u periodu razmatranja razvoja drugog evropskog programa rada (EPW2). Ova nova zdravstvena strategija će predstaviti zajedničku viziju zdravlja u Evropi i kreirana je u saradnji sa državama članicama i partnerima kako bi se osiguralo da je uskladena

sa nacionalnim zdravstvenim prioritetima i obavezama. EPW2 će se baviti klimatskim promjenama i zdravljem; tihom epidemijom NCD-ova; demografskim promjenama uključujući starenje; izgradnjom zdravstvenih sistema budućnosti i izgradnjom sigurne Evrope.

Nova strategija će oblikovati zdravstvenu agendu SZO evropskog regiona za 2026-2030.

Predstavljanje nacerta EPW2: uloga i uticaj Inicijative malih zemalja; razmjena naučenih lekcija, faktora rješenja i inovacija u zdravstvenom sistemu; personalizovana i preventivna njega; tehnološka inovacija; dekarbonizacija; održivo finansiranje zdravstva; osnaživanje zajednice i socijalno učešće; refleksija o radu SCI-a i finansiranju ;prijavljeni zahtjevi za status posmatrača; potpisivanje Izjave sa sastanka na visokom nivou SCI-a

Ministar zdravlja dr Vojislav Šimun, izjagaće na tematskom panelu:  
"Personalizovana i preventivna njega"

Sastanak na visokom nivou Inicijative malih zemalja pruža priliku da se razgovara o zdravstvenim agendama i zajedničkim aktivnostima, te da se iskoristi prilika za sagledavanje sličnih potreba na regionalnom i međunarodnom nivou.

Značaj Jedanaestog sastanka na visokom nivou je i u tome što se obilježava treća godina implementacije Mape puta. Fokus sastanka će stoga biti na tome kako najbolje uhrzati agendu zdravlja i dobiti i podstaknuti saradnju između malih zemalja.

Troškove smještaja za dva člana delegacije snosi Svjetska zdravstvena organizacija i domaćin skupa Ministarstvo zdravlja Republike Slovenije. Sve ostale troškove za članove delegacije pokriva institucija čiji su predstavnici članovi delegacije.